



國家清史編纂委員會·文獻叢刊

清代詩文集彙編

國家清史編纂委員會·文獻叢刊

# 清代詩文集彙編

《清代詩文集彙編》編纂委員會 編

上海古籍出版社

# 清代詩文集彙編 四一〇

容甫先生遺詩五卷補遺一卷附錄一卷 汪 中撰

述學六卷（內篇三卷外篇一卷補遺一卷別錄一卷）附錄一卷 汪 中撰

初堂遺藁三卷 洪 榜撰

授堂文鈔十卷授堂詩鈔八卷 武 億撰

蔚秀軒詩存一卷 張敦培撰

白洋山人文鈔不分卷 王 鑾撰

嘉蔭堂詩存四卷 沈 琨撰

嘉蔭堂文集三卷 沈 琨撰

審巖集三卷（文集二卷詩集一卷附悼亡詩一卷）附楊于棠鶴皋詩鈔 楊于果撰

惺齋吟草四卷 陳觀國撰

蛻稟四卷 梁玉繩撰

一

三三

九三

一三一

二七三

二八五

三四五

四一七

四八五

五五九

六四五

汪容甫先生  
遺詩集

光緒乙酉年秋七月

仿古聚珍木板

維揚述古齋較印

容甫先生遺詩

容甫先生遺詩題辭



員



汪君容甫名中江都人少孤事母至孝篤志力學研求實濟不徒作經生占畢技家貧奔走四方以筆札供菽水間為詩不自成稿與余有世講之誼常相過從上下古今深宵不倦或以予為長途老馬也此數詩皆予所手輯者容甫雖不以詩鳴亦可藉以覘其流露耳

劉台拱

述古齋  
排印

汪中字容甫江都拔貢生博聞強記通知古今才學識三者皆有以過人為文鉤貫經史銘鑄漢唐閱麗淵雅卓然自成一家早歲喜為詩三十以後絕不復作舊稿多散失今錄其僅存者若干首

喜孫謹按劉先生校述學並寫定遺詩喜孫益肆搜羅都為一冊有朋舊遺詩入選而茲冊未載以先大夫草彙自刪不敢有加焉喜孫記

容夫先生小傳

王鑑

阮元

徐鉉

汪中字容夫江都人乾隆丁酉拔貢生多聞強識舉所誦書若流水雄於文鎔鑄漢唐成一家言詩學盛唐參以金元好金石嘗得漢石闕畫象以五十千從寶應昇歸尤精史學自言深於春秋生平多諧謔凌轅時輩人以故短之然於嘉定錢詹事大昕金壇段大令玉裁高郵王給諫念孫歙縣程大令瑤田未嘗不極口推崇嘗為顧炎武胡渭梅文鼎閻若璩惠棟

述古齋  
排印

戴震作六君子頌足見其謙己樂善也

容甫先生遺詩目錄

卷之一

白雲詩集卷之十一

靜夜

容甫先生遺詩集年

過張明府

容甫先生遺詩集年

歸耕操

容甫先生遺詩集年

秋夜舟中作

容甫先生遺詩集年

古詩答方立堂緣情感迫多哀怨之音

容甫先生遺詩集年

古詩

容甫先生遺詩集年

夜坐

容甫先生遺詩集年

目錄

述古齋  
排印

白鳥

容甫先生遺詩集年

代李泌建甯王挽辭

并序

旅食

容甫先生遺詩集年

趙忠毅東方未明之硯歌為椒園先生作

容甫先生遺詩集年

玉畫叉歌為椒園先生作

容甫先生遺詩集年

悲落葉

容甫先生遺詩集年

答觀魯三首

容甫先生遺詩集年

講院老樹歌

容甫先生遺詩集年

故家

容甫先生遺詩集年

呈秦丈西巖

卷之二

劍潭移居

早發青萍港

聖恩寺作

春申里

野望

相見曲

大隄曲

目錄

吳趨行

檢感舊集有作

詠史效左記室

怨詩

白秋海棠感詠

宮怨

將赴江甯題所居吏軒

客中食蟹作

古詩

編

食菹

示僕

宿上天竺

甘露寺

卷之三

明督師一作太傅史公享堂

觀魯示所作贈鄭舍人晴波高格洪響一作高秀

雄深使人神王昔與舍人同客江陰追敘遊

歷作此卻寄時觀魯亦往江陰即以送之

目錄

平山

邗溝夫差廟

焦山鼎歌

雨中趙州社觀牡丹

至聖夫子像明世宗時瘞今資福寺後山長

沈公培土為冢垣周之率諸生行舍奠禮

恭紀

送姚凌香赴選兼憶舊事漫成一首

寄顧寅初

三  
沈古香  
撰

擬古

餽山長沈公家園扁豆

不平

酬許掖之兼柬薛藹人

寄弟端光

懷晚芝先生

嘉樹

歲暮

除夕作

目錄

卷之四

黃將軍得功飲水銅瓢歌

友人鄭韓城丙子歲夢大雪身一本無身字臥其

中以為不祥俄而其尊公及太夫人相繼

沒世因為圖以志哀而中作此一作是詩

聞陳並困至

宮詞

別母

梅花

四

述古齋  
排印

過龍江關

客散

宿龍江

贈黃仲則六首

吾生

聽鐘鳴

秦伯祠

雜詩

贈王生

目錄

周生刻印歌

山長沈公蒙 恩賜幣恭紀

三月廿一日夜和仲則

細雨

代白紵詞

傷心曲

七夕采石登太白樓題壁一本無題壁二字留示仲

則

自君之出矣

五

述古齋  
排印

擬古

萬松坪

去杭州留別沈莊士

采薇子墓

一笑

題友人寒山曉發圖

題秋江聽笛圖

卷之五

傷楊東木

目錄

宿錢塘江上

消息

秋萍

過常州

贈對琴先生

田家

九日江上逢

一作通

儲玉琴昔與玉琴器之劍

潭九日集樂善庵日暮求酒不得黯然而

散今忽已十年有悲前事因作此詩

六

述古音排印

題信貞婦高柳鳴蟬畫扇有亭

千里

呈均弼先生

柳塘

呈均弼先生

鷺峰寺有感

呈均弼先生

秦淮雜詩

白門感舊

目錄

江上

失題

題機聲燈影圖

贈別吳白庵

題會賓谷都轉西溪漁隱圖

七

述古音排印

容甫先生遺詩卷一

旃蒙作噩

靜夜

夕雨秋氣陰一作清凄風入戶靜一作木落啼蛩懷

苦心衰草露華冷空牀生夜寒夢回知漏永展轉一作

敬枕又聽鐘鳴昏燈照孤影

柔兆闌茂

過張明府

客途仍聚首僧院欵門時暇日宜嘗酒高流各詠一作

述古齋

誦詩天清秋樹近一作風定夜鐘遲明日身無事還

來看奕棊

歸耕操

子壯大兮母病羸老不得養兮何以生子為日照昭

兮我心悲

秋夜舟中作一作夜泊馮店

野岸縱橫路山樓斷續更夜寒江月墮夢醒草蟲鳴

水宿疲來往愁心問死生客途衣未授珍重倚門情

古詩答方立堂緣情感迫多哀怨之音

謹按方立堂名本儀徵人舉人

秋瓜被露井引蔓終不實同受天地生安知我命劣

驚風吹野草寒泉清露結飛蓬懷故根山川渺難越

一身苦不保俯仰兩自失勞生理所安感君心察識

落日下午平林倦鳥投故枝如何負同類孤生多受欺

黃鶴一失所萬里身安歸遠道未云苦卑棲常自危

孤鳴時慕侶中夜有餘哀焉得君子心忠信兩不疑

豫章初萌芽苦蒙霜雪委春風草木滋精氣悲已餒

惜茲成物艱反恨生材美偃卷猶力爭委心固所恥

日夕牛羊歸旁皇不能已

古詩

孤鳥雲際游感君慕高義千里遠託身苦言精力儉

烈風吹箐林月黑夜如晦東西咫尺迷條忽兩相棄

稻梁豈不悅因緣恥自致委心託君宇羽毛日憔悴

孤鴻樂中野眾鳥憎氣類眾鳥自光榮孤鴻安足忌

夜坐

倦思轉無夢未息又生心人定警微響燈昏浮半陰

夜色度疏幌涼風傳密林披髮出高閣橫琴懷古音

白鳥

因緣幸出世水草屬前身飽食無多欲微軀易困人  
空檐喧夜市古壁動凝塵消息涼風早浮生太苦辛  
疆圍大淵獻

代李泌建甯王挽辭并序

唐建甯王侯既以議死大歷三年加諡承  
天皇帝遣使迎喪彭原既至城門喪輜不  
動代宗謂李泌曰豈有恨耶卿往祭之以  
白朕意且卿及知侯艱難定策者泌為挽  
辭一解追述侯是命挽士唱泌因進辭輜  
乃行觀者皆為泣下今泌集亡其辭為補  
之云

卷一

三

述古齋  
排印

出延秋兮涉渭波塵冥冥兮日不華我馬西兮又以  
北蕤朱輪兮血出漉天命在兮一京復二京復兮嘻  
乎吾不見父生我而死之兮又何怨萬乘安兮心所  
善

靈之餒兮翔彭原望周京兮蔽以山奉君往兮獨後  
還悼昔軌兮過城陌候銅龍兮安可得鬱蒼蒼兮建  
陵柏

旅食

旅食秋江上浮生感二毛畏讒多禮數居賤習憂勞

野性存麋鹿機心對桔槔百年將母計未敢託名高

趙忠毅東方未明之硯歌為椒園先生作

謹按椒園先生沈氏名廷芳仁和人  
官至山東按察使著有隱拙齋詩集

殘月暉暉太白睽睽雞三號更五點此時拜疏擊大  
奄事成策汝功不則同汝貶趙公遺硯有此銘清詞  
壯志使人感維時委鬼當朝立國猶有人君可格先  
帝藐孤託老臣臣心不轉如此石一擊不中豈天意  
萬死投荒屬臣職餘年幸及大奸除離石封侯那可  
得淹留無命待生還異代寶之空手澤我生好古思

卷一

四

述古齋  
排印

古人先生所蓄移我情開篋出硯大如手水巖子石  
端溪坑溪回水合土性潤炎風瘴雨凝其精壯士斲  
山絕山脈以池作月眼作根天生異物必有用天啟  
忠臣親手銘滿堂相顧毛髮動偏人英爽如平生猶  
餘故物在人世古澤幽姿終不敵曾見苦心憂國時  
百四十年悲舊事中夜旁皇鬚髮白虛堂恍惚神靈  
至裂眦迸血濡墨書石眼淋漓淚猶漬先生有道臣  
節完進禮退義古所難孝思不負閒居拙正氣曾誅  
既死奸六經手注不知老此硯應歸賢主人翻思夢

裏金精下怪石兼疑列星化江城天際斗牛明夜夜  
寒芒正交射

玉畫叉歌爲椒園先生作先君自注又本初白翁物詳敬業堂

集中開失去公從它處得之

先生少從外氏學玉叉得自初白翁拊不留手澤可  
鑑截肪之色形如弓下安桃竹強名杖挂畫取錢其  
用同當年操几遷書筴日見摩挲太心磨百年閱歷  
幾人存古器猶完亦足惜後生不及並世生老輩風  
流略可識卷簾霜下夜鐘鳴罷酒傳觀醉默默回首

卷一

五

述古齋

衰花暮草生得樹樓空夢顏色江城星月照人寒故  
物蒼茫見手澤吁嗟乎雙杖之銘亡其詞赤藤如鐵  
今安歸詳白渭陽送後頭如雪尙詠瓊瑰玉佩詩翁集

悲落葉

悲落葉落葉如轉蓬朝在嘉樹上暮歸宿莽中華心  
向秋盡無復怨西風風吹漂忽安所極高高下下不  
可擇春至復青青非故枝同生一朝弃終無相見時

答觀魯二首謹按族人觀魯名夢旂乾隆戊子舉人工詩有集

崇蘭泣秋渚顯氣澄幽越美人折其榮光風坐怡悅  
繁霜一夜零仰見浮雲沒良辰不寓賞曠世情誰覈  
燕婉在一時素心徒自結歲暮不可持坐恐芳華歇  
水波潛蚪出風逆翔鴻偃恣君耳目娛神物逝已遠  
素心諒不欺憂至一朝踐衆女愧朱顏孤美詎云免  
謙柔得自持華色自難損日夕謝光榮思君徒晚晚  
駕言涉溱洧春女厲哀音絲竹滿清夜歡娛悲我心  
十年泛海上寂寞託瑤琴豈伊和者寡大雅自茲沈  
棄置亦云已吾生終自任孤鳴迷衆耳感激尙懷音

卷一

六

述古齋

雲中有黃鶴矯首願棲尋

講院老樹歌一本題云儀徵講舍老樹歌

百年老樹何人植特立童童精舍側近根六月覆秋  
陰到頂千尋浮翠色老鶴號風柯稍振黑螳避雨根  
先濕霜皮四裂挾龍鱗鐵幹孤撐露蛟脊高空冥合  
蒼天氣盤固深滋厚地力豈謂生成屬不材高山大  
澤似君稀棟梁有用終相待斤斧如尋更不辭堅心  
自一作受冰霜積秀氣猶含霧露滋莫忘科頭踞樹  
下清風滿院讀書時

故家一作送羅綸  
御遊漢口

故家文史在儒服向支持遠別新婚後孤征歲暮時  
風霜江路險一作音信楚天遲君見梅花發還應寄  
所思

呈秦丈西巖謹按秦西巖名巖江都人官至  
湖南岳常澧道著有石研齋詩

中也毀齒不見父交友平生心所識相從風夕上君  
堂風雨城南路不隔短衣曳地學周旋歷歷門庭記  
行跡春風移酒到林亭高閣燈紅露氣清負劍殷勤

卷一

七  
述古齋  
排印

席末坐相呼猶道乳兒名永夕歡娛苦不足高歌屢  
舞更相屬卷簾涼月下庭柯絲管驚心悲夜促滿堂  
脈脈醉更衣我倦蒙頭就懷宿一朝失怙可憐人骨  
肉生分各自全不教富貴致身早忍使艱難累老親  
親交一飯動微色長揖出門心斷絕山澤天寒草實  
盡冰霜歲晚葛衣裂十八年中萬死身今日生成轉  
嗚咽世事消磨氣漸平風塵苦受俗人輕一劍防身  
報知己十年落魄未成名豈有千金重然諾強將懷  
抱向人傾草樹沈沈宿煙霽奉手重過舊遊地一時

賓從盡依然迴首疑逢夢中事歡游不見生我人厚  
地高天永相棄丈人愛才古所無天下之士為楷樞  
故人子弟今牢落負米猶能讀父書

卷一

八  
述古齋  
排印

容甫先生遺詩卷二

著雍困敦

劍潭移居

謹按劍潭名端光儀徵人官至廣西鎮安府

身世飄零我自嗟十年二見汝移家蒼苔行處冰猶滑社燕歸時日未斜秋雨尚沾鄰院葉春風欲動過門車最憐月出停琴夜相對寒梅一樹花

早發青萍港

日出江霧明餘寒散林薄重陰冒遠川悲風靜幽壑山青雲暖暖草白霜漠漠宿莽下飢禽汎流聚漂籜

卷二

述古齋排印

昏曉異栖屯心物共淪鑠早懷一飯恩終棄百金諾功名久未立義故將焉託傷哉啜菽歡生涯思負郭

聖恩寺作

沿廻積峽起道路豁平林雲木四邊合煙中清磬音孤亭望無際明湖澄半陰暖暖江梅出遲遲春意深亭午暄風散氤氳不可尋日暮松聲起空山聞鼓琴徒令遠遊客結此幽栖心

春申里

郢都徒後勢猶強封邑江東見井疆豈謂上書歸質

述古齋排印

子終思當國代虜王青山水雪春流遠池有春申洞喬木歌鐘故里荒回首棘門無望禍可憐珠履滿君堂

野望

西山朝旭隱高城城下清霜百草平沙岸風廻江鳥墮松林雪霽寺樓明澤水乍合魚猶上礮土方堅麥未生病後心懷自知少負薪終日逐人行

相見曲

相見復相見君心一朝變杯酒定人情身危易恩怨大隄曲

卷二

一

述古齋排印

東風吹江水花開照顏色相思人未歸日暮隄上立

吳趨行

東南入吳趨通門廣且修車舟萬方會夜行晝未休青槐夾大道白日麗朱樓列肆陳曼衍美女揚清謳橫波醉流轉巧笑心和柔長裾隨風舒翩翩身若浮娛樂未云已心悲不可留策馬上西山高舉望八幽浮雲翳城闕俛見江海流讓國感延陵習禮思言游斯人不同代望古徒殷憂

檢感舊集有作

源出眉山見一支原缺二字萬卷未停披高才凌厲稱詩

日暮歲凋零學佛時宦跡自殊原缺二字老姓名會重原

碑報恩尙有原缺二字在身後清芬屬侍兒

詠史效左記室

呂尚西入周渭上猶盤桓百里棄其國飯牛在草間  
乘時各自奮功名立不刊脫身屠釣中一舉生民安  
少壯不用世垂老反任官年命苟不延後世何所觀  
高材爲人棄貧賤良獨難焉知天下士一身飢且寒  
聖賢有不遇自古以爲歎

怨詩

皎皎齊紈扇是妾手中織懷此冰雪姿得親君子側  
屬當歡愛時豈謂薄寒積一入蛟龍篋恩光自此畢  
願託涼風起不見君顏色

白秋海棠感詠

淚眠啼煙似有情翩翩粉蝶趁秋晴三更露下涼如  
水苔院無人月自明

宮怨

高樹明河隱殿闌風簾不下夜燈殘玉階秋草無形

三

述古齋  
排印

跡坐對三更白露寒

將赴江甯題所居東軒

屋裏圖書作四鄰庭前竹樹正三春老親嬌女團圓  
坐身是天涯乞食人

客中食蟹作

陂水西風上釣闌巨螯獵獵帶霜寒漬餘白酒香噴  
甕和入黃柑汁滿盤旱歲魚鹽生物少貧時餒菜食  
鮮難老親病後無兼味掩淚尊前對晚餐

古詩

卷十一

四

述古齋  
排印

炎州榮橘樹華實共歲蕤秋風發奇色綠葉正含滋  
蹉跎白日晚霜雪迫前期古香徒自悅獨秀歲寒時  
空山人不見奈此佳人姿受命生南國悲君白玉墀

食菴

示僕

早秋嘗旨蓄數莖味猶正酸鹹歷四時終存歲寒性  
同生如有屬因勢遂相役百年詎自免一作吾念此  
一作罕苛責貧居累人事早作暮未息天寒井爨苦  
一飽愧安食貴賤各有謀相爭盡智力歎彼勞心人

無營覺爾適

宿上天竺

倦游情未極改轍方遵一作循麓涓涓石瀨濺鼻梯

逕曲松聲雜魚梵暝色歸樵牧空翠綠目生孤雲共

人宿山月翳一作隱寒樹風泉靜脩竹旅夢戀宵鐙羈

心向晨旭天清光始霽巖深氣猶肅疊嶺霧霏霏高

嗟斯焉願投足一作幾投足林風穆穆往返跡未淹棲尋日苦促徒抱憂生

甘露寺一作北固甘露寺

卷二

五

述古齋

北固巉巖勢如削怒搏滄江危欲落洪波觸山飛雨

來山根晝夜鳴風雷孤亭直上萬木杪清江白日無

氛埃中流碎甸兩山動翠屏金碧當空開飛鷲點點

不到地側身縹緲心為摧長風浩浩奔扶桑浮天海

氣青茫茫魚龍物怪那可測陰陽百變分光芒霸圖

龍戰安在哉登高遠望使人哀今人還踏古人地古

人白骨生青苔蘇公米芾不可見後世何人知我來

容甫先生遺詩卷三

屠維赤杏若

明督師一作史公享堂

故明丞相有祠堂亂後衣冠此地藏宮府武侯猶拜

表江淮信國自勤王曲城車馬通神道瘠土松杉接

一作按戰場异地褒忠逢

聖主詔書史法兩輝光

觀魯示所作贈鄭舍人晴波高格洪響一作高秀

深使人神王昔與舍人同客江陰追敘遊

卷三

述古齋

歷作此卻寄時觀魯亦往江陰卽以送之

詳按鄭晴波名澧儀徵人明鄭超宗之元孫乾隆間由召試中書出任福建建甯府同知擢溫州府知府遷浙江杭嘉湖道著

有玉句草堂詩集二十卷夢餘集一卷鷗詩餘二卷

我昔孟冬南渡江一作渡江去江潮一作漲始一作四落呈一作

見崖一作崖生崖舍人開篋一作在示我詩入手但覺雲

霞蒸一作入手拂拂生氣蒸中流叩舷一作舟誦石鼓

力與水勢爭呖噲暮投山店四肢倚山閣憑空見星

火絕壁雲陰腳下生徹夜江聲枕上邊一作過月落一作

出聞馬嘶一作月落門外風色一作氣寒霜清萬木秀

霽景一作明林端紆迴七百一作十里下見漕河乾練

湖草勁北風起白塔朱樓照湖水黃沙撲面人卻行

車輪格格官路平寒一作晴天日落四山紫瘦馬向城

時一鳴江陰古寺遇人寡一作江陰作雙柏婆娑雪

沾灑一作松邪天風振柯一作龍自吟佛殿

陰陰夜飄瓦一作積雪交柯一作沾灑此下興來著屐

君山巔側身四望一作心茫然日光海氣伏不動時

見宮中生紫煙當時相樂自如此別來蹤跡東西水

卷三

故人身直一作承明廬石室三年讀秘書豈是文章

貴一作敏疾高文典冊用相如吾兄一作今詩伯

語今見長歌動光彩鼓柁東南征所見足呼駭胸中

五嶽起未平更賦高邱望遠海

平山

平山山下路寒食有炊煙歌管停春社樵蘇問一作向

墓田賦詩金谷宴修禊永和年舊日經行地風流在

眼前

邗溝夫差廟

吳山舊廟蜀山陂溝水東流繞殿基春社神巫時擊

鼓好風賈舶一作客互揚旂侈心齊晉終亡國遺利江

淮合薦祠可憶姑蘇臺上樂青山歌舞對西施

焦山鼎歌

三代法物今尙存太學石鼓焦山鼎四周一作刻作

雲雷形光澤照人清一作青耿耿其上有耳下有足古

尺既亡不可省古文款識九十三下視孔悝非其等

王曰世惠惟女賢錫女器服由史端世惠作鼎享列

烈一作祖煌煌策命載天府同時若有古甫誦豈異韓

卷三

侯召公虎千年神物化不盡遂使元英陳大呂朱霞

照水日西落閃暎丹砂色噴薄土花隱起暈青翠石

壁雲嵐靜交氣清江月出光滿堂掣電驚蛟見銘字

汾陰泗水各有時寶玉大弓為盜資當年鑄此象百

物神姦恨不圖分宜焦山百里限風水深巖幽怪藏

瓊奇浮雲金景望不見為君作此寶鼎詩

雨中趙州社觀牡丹一本題云應

江干飛雨暗騰騰初地花開豔不勝欲舞自一作隨

風力轉似啼猶見眼波澄一簾香氣疑春霧五夜霞

光對佛燈惆悵東林高會日閉門心跡我如僧

至聖夫子像明世宗時瘞今資福寺後山長

沈公培土為冢垣周之率諸生行舍奠禮

恭紀封一本題云至聖夫子藎象山長沈公紀上為冢而周之工發行舍奠禮恭

澤宮既穆卜東徙得軒敞袞衣肅天表夏屋封吉壤

太牢缺命祀有司亡簿掌百年蔭喬木地靈見滋長

牛羊一作羊牛不敢踐風雨蔽塵埃師儒坐膠序秀士列

州黨豈念魯城北習禮時一上先生秉至教正學距

卷三

四

羣枉來嗣臨川席猶見杏壇文出游過佛寺瞻拜心

愴一作愴東修解橐中官物惜公帑尙行夫子志馬

鬣存一作相規做築牆封四周貞石立高榜遠山靄青

翠秋氣浮沆碭竹樹交城阿風一作雲日共駘一作駘蕩

釋奠羞牲魚昔一作旨薦尊盎樂備八一作六作僧舞禮簡

罷尸象斯文當在茲庶幾精意享一作旁聖人不可作

威儀感夢想法由圖畫變事一作制非釋佛一作佛老撰詔

書始元豐郡國盡一作畫望像遷廟禮既成夾室藏可

仿魯人觀禮器墓祭自疇曩檀弓言物始斯道固宜

廣賢者在一作居人國舉措為世仰一事預名教竭力

務培養况復神所依祀典通肝鬲肅肅對在天靈森然

動精爽忍見陵谷移嗚呼委榛草一作莽莽中也陪執事

於心勞向往車服展遺物金石聆幽響具一作肅觀典

禮盛志敬非外強作歌告後世用配兩廡饗

送姚凌霄赴選兼憶舊事漫成二首

五月燕山別一作相送盤桓惜累旬素心忘世味黃

綬屈詩人道親修髯美交情繁語真

國恩存一命珍重何以答斯民一作何以謝斯民

行間誇結末往事喜論兵之險初驚鹿成園未翦踪

戈船波欲震熖一作火雨猶長一作暝邈矣朱珠一作巖

郡無由一作問賈生

寄顧寅初一本題云贈顧寅初謹按寅初名

舊友何人在高懷顧阿瑛風塵容倦客尊酒見平生

親有童孫樂詩兼道骨清草堂江上棹應識隱居情

擬古一本題

十五盧家女深居酒市旁曲成能教弟繡罷只依娘

過門聽步屧隔幙想飄香甯知難一見愛憎為玉昌